

non signalé dans Ollivier

## CANNEN SPIRITUEL

AR

# BUHÉ SANT CORNELI

E INOURÉR É PARRÆS CARNAC, É ESCOBTY GUÉNÈD.

---

Ton : *Cannen Santès Mari en Egyptianès.*

Pobl devot , deit ha cleuct  
Ur vuhé santel mar dès bet :  
Mêlamb Jesus , mêlamb Mari ,  
Mêlamb ehué Sant Corneli.

Carnadiguis , ræson e hoès  
De drugairéquat Doué liès :  
Ean en dès reit d'oh ur Patrom ,  
Sant Corneli , bet Pab é Rom

Ur blai hag open é oé bet  
Hur Mam Ilis hemb Pab erbet ,  
Pe oé choéjet Sant Corneli  
Aveit quemér carg a nehi.

Pab oc é Rom é un amzér  
Ne oc meit trebil ha misér :  
Ne gonzér meit a botanceu ,  
A grilleu hoarn ha prisonieu.

Cann spir ar B  
CORNEL

Én amzér-zé er Grechénion  
E dourmantér é mil fæçon :  
Peb cartér e huélér lihuet  
Guet goaid santel er Vartyrèd.

Novat ha Novatianus ,  
Deu hérétiq forh danjerus ,  
E vennas distruj Lézen Doué,  
É troublein er pèn ag er Fé.

Sant Corneli hun oposas ,  
Ha tud abil e assambias :  
Mèlamb Jesus , mèlamb Mari ,  
Mèlamb ehué Sant Corneli.

Sant Corneli , dré græee hun Doué ,  
E zouguas victoér ar nehai :  
Mèlamb Jesus , mèlamb Mari ,  
Mèlamb chué Sant Corneli.

Calz a dud en doé bet trompet  
En neu hérétiq miliguët ,  
Hag e zistroas guët gùir regret  
É clasq pardøn ag ou féhèd.

Sant Corneli ou receuas  
En Ilis guet caranté vras :  
Mèlamb Jesus , mèlamb Mari ,  
Mèlamb ehué Sant Corneli.

Pe cessas en hérétiquèd ,  
En Ampeleur, tirant calet ,  
E hras gobér brézel cruel  
D'en ol Grechénion fidel.

Forbannèin e hras Corneli  
En ur vro pèl dolh peb ami :  
Sant Cyprian er honsolé  
Dré liéreu a garanté.

Pe oé disoleit ma sérilué  
Cyprian debou guéhavé ,  
En dro de Rom galhuet oé bet  
Hag ér prision aben lojet.

En Ampeleur, hemb col ainzér,  
E soutéas er Sant dré gaër ;  
Mæs èl ne hré meit col é bécn ,  
E raj er heméras soudén.

Eau e gomandas guet furi  
Torein ol deat Sant Corneli ;  
Guet bolèdeu é oent toret ;  
Un tourmant bras mar dès ér bed.

Goudé é oé bet eondaunet  
 De rein auçans d'en Idolèd ,  
 Ha faute dehou d'er gobér ,  
 Dibennecin vezé bet d'en ær.

Er Provost, èl ma hé guet-hou  
 D'en tampl, donnet e ras dehou  
 Er chonj de bedein Corneli  
 D'antrein ur momant én é dy.

Supli e ras Sant Corneli  
 De huélèt é voès Salusti ,  
 Péhani e oé afflijet  
 Pucmzéc vlai quènt guet ur hlinbuct.

Sant Corneli hi visitas ,  
 Ha soudén yah en hi rantas :  
 Mèlamb Jesus , mèlamb Mari ,  
 Mèlamb ehué Sant Corneli.

Er Soudardèd e oé guet hai ,  
 Pe huélezant er miracl-zé ,  
 E stouyas ol dirac er Sant ,  
 Ha Salusti assablement.

Forb humblemant prosternet-oent  
 En ur houlen er Vadiènt :  
 Mèlamb Jesus , mèlamb Mari ,  
 Mèlamb ehué Sant Corneli.

Sant Corneli ou badéas  
 Guet joé ha guet caranté vras :  
 Mèlamb Jesus , mèlamb Mari ,  
 Mèlamb chué Sant Corneli.

Quentéh ma cleuas en tyrant  
 É oent convertisset d'er Sant ,  
 Ean e gomandas ou lahein ,  
 Pé é Idolèd adorein.

Eid adorein é Idolèd ,  
 D'ur faus tampl é oent conduyet ;  
 Mæs é léh rein ançans debai  
 Guet couraj ind ou disprisé.

En Ampaleur-hont , é huclèt  
 Ne hrent caz ag é Idolèd ,  
 E yas én ur golér quer bras ,  
 Ma hras ou dibenn ar er plas.

Truhéus bras oé bet guclèt  
 Deu zén ar-n-uiguènd dibennet ;  
 Ou goaid e hras ur mor bihan ,  
 E pébani é oent ar nean.

Cri ha calet oé er galon  
 Ou sellé hemb compassion ;  
 Ha hui-memb doh me cheleuet ,  
 Cruel-oh ma n'en d'oh touchet.

Chetui penaus Sant Corneli,  
Uiguènd sourdard ha Salusti, Cannen spir  
En dès càret en Etru Doué,  
Hag é lézen santel ehué.

Vennet ou dès coll er vuhé,  
Quèntoh aveid offancein Doué :  
Mèlamb Jesus, mèlamb Mari,  
Mèlamb ehué Sant Corneli.

Gùel-océ guet hai seùil ol ou goaid  
Eit rein ançans d'en Idolèd :  
Mèlamb Jesus, mèlamb Mari,  
Mèlamb ehué Sant Corneli.

Chetui enta marhue hou Patrom,  
Sant Corneli bet Pab é Rom ;  
Sellet-ean lédet ar er plas,  
Ha dén a nehou ne hra cas.

Ur voès devot hanhuet Lucin,  
Dré inspiration divin,  
E yas de glasq er Vartyrèd  
Eid ou interrein ér verrèd.

Carnadignis, n'aduret quet  
M'en devou mui en Estrannèd  
Mui a garanté eid oh-hui  
Dob hou Patrom Sant Corneli.

Goulen e hra guet Doué remæd  
 ar Bugé Sant Corneli  
 Aveit en dud hag el lonnèd ;  
 Ean e ra consolation  
 D'en n'emb er pèd a huir galon.

Hui queih tud diar er mæzeu,  
 Ne hoès na ranq na manérieu ;  
 Ne hoès propremant meit chétal,  
 Aveit hum vihuein ar en doar.

Rac-cé pedet Sant Corneli  
 De gonservein lonnèd hou ty,  
 De bèllat doh-t-hai fallanté,  
 Da drès peb tra mortalité.

En hou e Ilis er Pab é Rom,  
 Aveit inouerein hou Patrom,  
 E ra Induljans pleniér  
 D'er ré e hra mad ou devér.

En Induljans acordet  
 E zou, aveit m'er gouyelhet,  
 Perpet eid en huézècvèd dé  
 A vis Santambr, ur huéh ér blai.

Covesseit ha quemuniet,  
 Reit alézoneu ha pedet,  
 Aveit ma vou convertisset  
 D'er Fé en ol Infidèlèd.

**Pedet ma vou ur gùir union**  
**Etré en ol Grechénion :**  
**Mêlamb Jesus , mêlamb Mari ,**  
**Mêlamb ebué Sant Corneli.**

**Hag étré en ol caranté ,**  
**M'hur bou er Baraouis goudé :**  
**Mêlamb Jesus , mêlamb Mari ,**  
**Mêlamb ehué Sant Corneli.**

FIN.